

[www.BibleForChildren.org](http://www.BibleForChildren.org)


# Mátiyu 26



O wudulewho  
abali ishii temenu  
a bahu l'ori-oge  
O-je-ghata ono,  
Jisosu tugbua jeshia  
Bétani. Bétani bu mkpukpu  
Lázarosu bu bu iya bu nwoke ono, Jisosu  
mejeru o shi l'onwu teta ndu ndzu.



Ọo ya bụ, Méri  
gbalihu je ewota  
akpamụ, ọ dū mbụ  
mmanụ ọbu, l'eshi  
mkpọ, vu aswa. Mmanụ  
ono bụ nadụ, guru egu  
b'e gude mee ya. O je  
ewota iya bya etee  
Jisọsu gude ẹgbushi iya  
huchashia ọkpa Jisọsu ono.  
Mkpọ mmanụ ono tuko  
ulo ono vọ kfurukfuru.



Júdasu Isukáriyọtu, bụ onye lanụ l'ụmadzu iri l'ẹbo ono bya atụgburu jekfushia ndu ishi ndu l'agbaje ẹja nụ Chileke tẹ ya je agbarụ Jisọsu ye whẹ l'ẹka. Whẹ nule iya whọ ẹhu tsolahaa whẹ ụtso, whẹ kweta iya ụkwa lẹ whẹ l'a-nụ iya okpoga. Ọ chọkashide ụzo, l'oo-shi gbarụ iya ye.




Tọ dụ iya bụ ịe ndu l'etso ụzo iya  
je emee ya ịe Jisọsu zhiru whẹ  
iya, whẹ nọdu l'ẹka ono melahaa  
nri oge O-je-ghata ono. Whẹ gude  
nri ono l'ẹka eri, Jisọsu bya ewota  
buredi, kele Chileke ekele, ọ nyawaa  
ya nụ ndu l'etso ụzo iya sụ whẹ:  
“Unu narụ ria. Ọ waa bụ  
ogwehu mu.”




Ọ bya apata omogo, mmẹe dọ, bya ekelekwawho Chileke ekele, ọ pẹe whẹ iya sọ whẹ: “Unu ngọ-dzuru iya g'unu ha, ọ waa bọ mmee mu; mmee a gbashiru l'iswi ẹhu igwe-ọha ngge Chileke gọaru whẹ nvu l'iwhe-dọ-ẹji whẹ metagbaberu. Chileke gude mmee mu ono eme tẹ ọgbandzu, shi mu l'ẹka vuru ire.”



A nonyaa, Jisosu gbaku Pyita oku sụ iya: “Sáyimonu, Sáyimonu, lekwa ị Sétanu sụakwaru t'a haa ya t'iya datakọta unu g'unu ha, t'a whụchaa unu gẹ l'aawhujẹ ẹswa ị witi. Ọle mu kfuwaru nụ Chileke t'i be ebuha ekwekwe, i kweru. Ọo ya bụ nteke i dawhuleruwho azụ lwakfuta mu, gụ emee t'ụnwunna ghu kfulu kfulushia ike.”



Pyita sụ iya: “Onye-Nwe-Ọha mę mu dozhiakwaru onwomu nke etso ghu eje mkporo męe etso ghu ala maa.” Jisọsu sụ iya: “Tę mu kfuru ghu iwhe Pyita; okọku-chi-asahụ -bya l'aryadeshia ọrya b'i kfuwaru ugbo ęto l'i tị madụ onye mu bụ.”





Tọ dụ iya bụ ịe Jisọsu  
mẹe ndu l'etso ụzo iya  
abya aliru rwua ẹka ọbu,  
l'eekuje Getusémeni.  
Whe rwua ẹka ono, ọ sụ  
ndu l'etso ụzo iya: “Unu  
nọdukwa anọdu l'ẹka te  
mbedua kpuliberu ẹka whọ  
je ekfuru nụ Chileke.”



Ọ sọ: “Nna, Nna, ọ  
ghu bụ onye l'aduje ike  
mekota iwhe lile, nafu  
mube Jisosu omogo  
iwhe-otsulanu-a! Ọle  
ọbu t'ọ bọ bukwa iwhe  
ọwhu dụ mu l'uche l'e-me,  
t'ọ bukwaru iwhe ọwhu  
dụ gubedua l'uche.”



Ọo ya bụ ị Júdasu abyatashia ẹka ono. Ndu ishi ndu l'agbaje ẹja nụ Chileke mee ndu Fárisii, yeru iya ndu ojogu ndu Romu, yekwaru iya whọ ndu nche eze-ulo Chileke b'o dutaru whẹ jeshia ẹka ono. Nteke whẹ l'abya be whẹ chigbaa oryoku mee oku ogowa mee ngwogu. Onye lanu gbu nwohuta onye ishi ndu l'agbaje ẹja nụ Chileke mma. Ọ buru l'uzo-nchi b'o gburu iya mma ono. Ọ tukole iya whọ nchi ẹka-utara pafu. Ọle Jisosu suru: “Be emehekwa odo!” Ọ bya ebyia nwohuta ono ẹka ị nchi ono, nchi ono du iya g'o shihawaa du iya.



Whẹ kpachia Jisosu kputa jeshia ibe eze onye ishi ndu  
l'agbaje eja nu Chileke. Pyita noduro otanya  
etso whẹ azu azu.

Whẹ mekwatalewho  
oku l'echi ogboduwu  
onobya anọ-whe iya  
mgburumgburu, Pyita  
je anokube whẹ.



Onye lanu le ndu  
l'ejeru eze onye ishi  
ndu l'agbaje eja nu  
Chileke ono ozhi, bu  
abubu nwoke who Pyita  
ghebufuru nchi, tufulewho  
onu ji Pyita su iya: “?Mu ta  
awhudu ghu-a ge gu l'iya no  
l'ime mgbabu who?” Pyita  
gofukwa odo, okoku ryalekwawho  
orya nteke onowho. O tughua  
lufu etezhi, je anodu ryatagezhia  
ekwa egube-e aryabaa ya who.




Ọọ ya bụ igwe-ọha ono, ọọru l'ẹka  
ono zalihu kpulia Jisọsu kpukfushia  
Páyileti. O noo ya, Páyileti jì Jisọsu:  
“?Ọọ gụbedua bụ Eze ndu Ju  
ọbu?” Ọ sụ iya: “Ọ kwa  
ghu whọ b'o shi l'ọnu.”  
Páyileti bya ekfuru  
yeru whẹ ọdo nkele  
oosebazhiawho gẹ l'ee-shi  
tẹ ya haa Jisọsu. Whẹ

chishia ọdo sụ: “Kpọpyabe  
iya l'oswebe! Kpọpyabe

iya l'oswebe!”



Tọ dụ iya bụ, Páyileti kpuru iya nù  
ndu ojogu tẹ whẹ je akpopyabe iya  
l'oswebe. Ọo ya bụ, whẹ kpụta Jisọsu  
whẹ l'iya liru tughbushia, ọ bụru iya  
vu oswebe iya ono jeye whẹ rwua  
ẹka ọbu, l'eekuje “Ọkpokoro  
ishi.” Iwhe l'eekuje ẹka ono  
l'okfu Arámayiku bụ Gọlugóta.




Ọ bụru l'ẹka ono bẹ whẹ kpọpyaberu iya  
l'oswebe. Whẹ kpọpyabekwawho unwoke  
labọ ọdo l'ẹka ono, kpọpya-begee  
whẹ iche iche; onye lanu  
l'ẹka iya ọwaa,  
onye ọwhu l'ẹka  
iya ọwhu. Jisọsu  
nọdu whẹ l'echi.





Iwhu ẹnyanwu gbakọta ọchi, ẹkwa, e gude gechia ime mkpu ẹka ẹnya ẹka eze-ulo Chileke dụ, gbajahụ ẹbo tarakata. Jisọsu chia mkpu sụ:

“Nna, mu yeru ghu ume mu l'ẹka.” O kfugelewho nno, ọ tubuhu ume.



Ọọ ya bụ, Jósefu onye Arimatíya  
jekfu Páyileti. Jósefu ono bụ onye  
ndu ikpe tukuru eyeru ugwu. O  
shikwawho nteke teru ẹnya  
leta ẹnya nteke Chileke  
l'e-goshi l'ọo ya bụ  
eze. Ọọ ya bụ, o  
gudelewho obu  
nwoke jekfu

Páyileti je aryọo  
ya t'ọ haa tẹ ya  
pata odzu Jisọsu je  
elia, eshi-ọwhu mbọku  
ono bụwaa mbọku  
l'aakwakọbeje kwaberu  
echile iya ono bụ  
mbọku ọotuta-ume  
ndu Ju.



Jósefu bya atugbua je anmata ekwa  
ocha bya apazeta odzu Jisusu  
bya egude ekwa ocha ono  
kwaa ya, je enyebe iya  
l'ilu, a tuhawaru l'eli  
eze-ewhuru. O bya  
eswita agbugaragbu  
ewhuru swichia  
onu ilu ono.



Tọ dụ iya bụ l'ọ bya ebe echile iya, bu  
mbọku ndu Ju l'atụtaje ume, ndu  
l'agbaje ẹja nụ Chileke  
mẹe ndu Fárisii bya  
edzukoo jekfu Páyileti,  
je asụ iya: “Nnaji anyi  
mẹ anyi byakwa  
anyata l'o nweru  
nteke nwoke ono,  
....”



“ . . . dzugburu onwiya l'ejire ono  
sujeru nteke o nọkwadu  
ndzụ lẹ: ‘A -nọlewho  
abali labo nke ẹto iya,  
be mu l'e-shi l'onwu  
teta nọdu ndzụ odo.’”



Whẹ tųgbua je achikoo  
iwhe gbachia ọnu ilu  
ono ree-ree-ree, mee  
ya iwhe-ọhubama, chiru  
ndu nche ye iya. Whẹ  
wata iya echeche.




Mbọku ọtuta-ume ono ghatalewho, o  
rwua l'ishi ẹnyangge mbọku Sọnde,  
Méri Mágudala mẹ Méri  
ọwhuna tųgbua jeshia l'ilu  
ono.



E jia ekfu, alị wata anọ anma oke jijiji,  
o noo l'o nweru ojozhi-imigwe, shi  
l'eka Onye-Nwe-Oha, shi  
l'imigwe whezeta, bya  
eswifu eze-ewhuru ono,  
nọdu anọdu l'eli iya.  
Ndu nche ono tsuta  
egvu, nmahụ  
kpakpakpa,

dabugeeru g'ọo  
ndu nwụhuru  
anwụhu.





Ojochi-imigwe ono sụ ụnwanyi  
ono: “T’unu ba atsukwa egvu,  
le mu makwaru l’onye unu  
l’achọ bu Jisusu ono a  
kpopyaberu l’oswebe.  
Ọ to nọhekwa l’eka-a.  
O tetaakwaru nọdu  
ndzu, bunua iwhe o  
kfuhawaru unu.



Unu byanu awhu  
eka obu, e shi  
nyebe iya.”




Whe gude ọtsu-egvu mee oke ehu-utso vuta  
ozo gbafu l'ilu ono, gbagbua egwegwa  
jeshia okoru ndu l'etso uto Jisusu  
iwhe ono. A bya l'ele enya, Jisusu  
byakfutawaa whe bya ekele whe:  
“?Unu duwhoma!” Whe bya  
gbakfu iya bya aburu bedee  
l'ali, gudekaa ya eka l'okpa  
whe



ebo-ebo baaru iya eja.





E megee, ọ bya abyakfuta ụmadzu iri ịe nnanụ l'etso ụzo iya gẹ whẹ l'eri nri. Ọ taa whẹ ụta sụ whẹ ịe whẹ bụ ndu ejo obu, bụru ndu l'aboje obu ẹbo, ịe whẹ te ekwedu l'iwhe ndu whuru iya nụ nteke ya tetaru kfuru bụ ezhi-okfu. Ọo ya bụ, Onye-Nwe-Ọha, bụ Jisọsu kfugeleruwho yeru whẹ, Chileke wolia ya woba l'imigwe. O je anọdu anọdu l'ẹka-utara Chileke.



Lẹ Chileke bẹ yenukaru ndiwhe obu,  
yetabe whẹ iya nke ọwhu ọ nuru Nwa  
lanu, o nwe kpụ nke ọwhu bukwanu  
onye wowaru onwiya ye Nwa iya ono  
l'ẹka t'onye ọbu ba ala l'iyi. O  
chia ndzụ tututu-mimimi bẹ  
onye ono l'e-nwe.



Romu 3:23 O noo lẹ madzụ lile mewaru iwhe-dụ-ẹji, shi nno nafụ onwowe ugwu ka l'ugwu, Chileke meru tẹ ya kwabẹ whẹ.

Romu 6:23 O noo nkele ụgwọ oome iwhe-dụ-ẹji l'akfujẹ madzụ bụ ọnwu. Obenu l'iwhe ọma, Chileke l'a-nụ bụ ndzụ tututu-mimimi ọwhu shi l'ẹka Onye-nwe-anyi Jisọsu Kuráýisutu.

Híburu 9:27 Iwhe duru madzụ bụ lẹ madzụ nwuhufutaje ugbo lanụ kpụ. Ọ nwuhuwaa ugbo lanụ ono, iwhe ọdo l'e-mefua bụ lẹ Chileke l'e-kpe iya ikpe.



Éfesòsu 2:8,9 Ọo l'ọo lẹ Chileke l'emenuka eze-iwhe-oma meru g'o gude ọ dzọo unu. Adzọta ono, a dzọtaru unu shi l'ekwekwe unu kweru. Ọ tọ dukwa iwhe unu l'eyekwabaa ya. Adzọta ono ta abukwa obunggo iwhe unu setaru l'anya. Ọlekwawho iwhe-oma, Chileke meru unu ewoma. Tọ hẹ l'ọo nke ree, unu l'eme. Ọo ya bụ tọ bọ dukwa onye l'e-je oku onwiya.

Romu 10:9,10 Nteke ọ -bụ l'i gude ọnu ghu kfua ya kfushia ya ike l'eka ndu ọdo nọ l'ọo Kuráýisutu bụ Onye-Nwe-Ọha ọbu; gude obu ghu g'ọ ha kweta lẹ Chileke meru iya, o shi l'ọnwu teta nọdu ndzụ, bẹ Jisọsu ọbu l'a-dzọfutakwa ghu. O noo nkele onye gude obu iya g'ọ ha woru onwiya ye Kuráýisutu l'eka, bẹ Chileke l'a-gụ onye ono l'onye dọ chiri, tẹmenu onye gude ọnu iya kfua ya l'eka ndu ọdo nọ bẹ Kuráýisutu l'a-dzọfutakwawho.



Jonu 3:16,17 Le Chileke be yenukaru ndiwhe obu, yetabe whe iya nke owhu o nuru Nwa lanu, o nwe kpu nke owhu bukwanu onye wowaru onwiya ye Nwa iya ono l'eka t'onye obu ba ala l'iyi. O chia ndzu tututu-mimimi be onye ono l'e-nwe. Iwhe Chileke kwoberu zhi Nwa iya t'o bya le mgboko-o ta abukwa t'o bya ekpelahaa ndiwhe ikpe. Iwhe o byaturu kwa t'e shi l'eka iya dzoo ndiwhe.

### 1 Jonu 5:11-13

Eka-ebe obu bu le Chileke nuru anyi ndzu tututu-mimimi mee le ndzu ono bu l'ehu Nwa iya b'o shi.

Onye yele Nwa Chileke ono tugbaru buru nnanu be nweekwaru ndzu ono, ole onye yele Nwa ono l'ete atugbaa buru nnanu te enwekwa ndzu ono.

Sua, iwhe-e mu l'ede be bukwa unubedua unu le Nwa Chileke tugbaru buru nnanu be mu l'ederu iya ngge unu makwanuru l'unu nwewaa ndzu tututu-mimimi ono.



Mátiyu 26-28; Luku 22-24; Jõnu 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Ezaa Bible (eza) © 2014, Wycliffe Bible Translators, Inc. in  
cooperation with Abakaliki Literacy and Translation Trust

<http://www.wycliffe.org>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

